



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Enchiridion Sev Manuale Episcoporum Pro Decretis in
Visitatione, & Synodo, de quacumque re condendis.**

Gavanti, Bartolommeo

Venetiis, 1650

Librorum editio.

urn:nbn:de:hbz:466:1-9534

ptores, euulgatore excommunicati sunt lata sententia, nec absoluantur, nisi fama restituta. Prou. 5.

V. Scriptura Sacra. num. 4. §. 6.

Librorum editio.

- 1 **N**emini liceat imprimere, vel imprimi tacere quosuis libros de rebus sacris sine nomine auctoris, neque illos vendere, aut retinere apud se, nisi probatis sint ab Ordinario sub pœna anathematis, & pecuniæ in Concil. Later. sess. 10. sub Leon. X. Conc. Trid. sess. 4.
- 2 Regulares, vltra prædictam Ordinarij approbationem, habeant quoque licentiam à suis superioribus. idem *ibid.*
- 3 Probatio libri edendi fiat per Episcopum, seu ab eo Deputatum, & per Inquisitorem loci, in quo imprimitur: & exemplum libri imprimendi authenticam, & manu auctoris subscriptum apud examinatoremaneat. Pius IV. in Ind. reg. 10.
- 4 Ne imprimantur libri de sanctitate, gestis, miraculis, martyrio eorum, quonondum à sede Apostol. in numerum Beatorum relati sunt. Congr. S. Inquis. 13. Martij 1625.
- 5 Nihil imprimatur, quoad formandos sacros Ritus attineat, inconsulta sacra Rituum Congregatione. eadem Congregat. Rituum 21. Martij 1620.
- 6 Ne imprimantur libri alieubi sine licentia Ordinarij & Inquisitoris loci, in quo degunt auctores librorum; & licentia ipsa præfigatur operi; alias censeantur prohibiti. Congreg. S. Inquis. A. 1625.*
- 7 Musicalium verba in mssicis apposita non possunt imprimi abique solita superiorum licentia. Congreg. Indicis lib. 17. Dec. 1623.
- 8 Problemata, vel axiomata ne proponantur publicè defendenda, nisi prius recognita, vt supra. Prou. 2.
- 9 Liber alias editus, ne noua facultate ne recondatur. Prou. 6.
- 10 Electio virorum ad examen librorum fiat eorum, de quorum fide, doctrina, integritate nihil dubitandum sit. Clem. VIII. de impress. lib. in Ind. §. 5.
- 11 Probatio in scriptis datur, & in fronte

libri seu scripti, seu impressi appareat, & fiat gratis. Trid. sess. 4.

- 12 Examinatorum quoq; approbatio ante initium operis impunitatur, Clem. VIII. *ubi supra* §. 5.
- 13 In fronte libri nomen, cognomen, & patria præferatur auctoris. idem *ibidem* §. 1.
- 14 Vel certe nomen illius, qui collegit ex aliis. *ibid.*
- 15 Ementito nomine auctoris ne imprimatur. Prou. 6.
- 16 Liber auctoris damnati expurgatus, si denuò imprimatur, præferat titulum auctoris, & notam damnationis. Clem. VIII. *ubi supra* §. 7.
- 17 In eiusdem quoque libri principio, tum veteris prohibitionis, tum recentis emendationis mentio fiat. *ibid.*
- 18 Impressoris nomen, locus impressio nis, & annus, in principio, & fine libri annotetur. *ibid.* §. 3.
- 19 Impressus liber ne publicetur, vendatur, antequam fiat collatio cum manuscripto, & detur licentia publicandi, & vendendi *ibid.* §. 4.
- 20 Typographi, & bibliopola iureiurando spondeant coram Episcopo, aut Inquisitore se munus suum fideliter executuros. *ibidem* §. 6.
- 21 Insignes, & eruditi ex eis fidei quoque professionem emittant. *ibid.*
- 22 Qui libros communicant scripto, vel euulgant, nisi probati fuerint, subiacent prædictis pœnis. Trid. *ubi supra*.
- 23 Qui eosdem habuerint, vel legerint, nisi prodiderint auctores, habeantur ipsi auctores. *ibidem*.
- 24 Lectiones, annotationes, disputationes, conciones, tractatus permanentes, quæ sibi inuicem communicant fratres, modo communicent ad effectum imprimendi, continentur sub decreto librorum imprimendorum decretum referunt DD. apud Barb. alleg. 90. num. 14.

ADDITIO.

- 1 **N**E imprimantur Libri in materia de Auxiliis, etiam sub prætextu commentandi S. Thomam, aut alio modo, nisi cõsulta prius S. Inquisitione Romana,

na, sub pœna priuationis dignitatum, officiorum vocis actiuae, & passivae, facultatis concionandi, publicè legendi, ipso facto, & alijs pœnis. *Congr. s. officij 1625. apud Lezanam in summ. quest. Regut. cap. 9. num. 24.*

Libri impressi contra dictum Decretum sunt prohibiti, *ibid.*

Impressores puniantur amissione librorum, & alijs pœnis. *ibid.*

Licentia.

1 **L**icentia laborandi die festo à solo Episcopo concedi debet: index tamen laicus potest procedere contra non habentes licentiam. *Congreg. Episcop. 21. Augusti 1615.*

2 Et gratis debet dari eadem 15. Iunii 1619.

3 Licentiæ discedendi, audiendi confessiones, concionandi, & ministrandi Sacramenta dentur gratis. eadem 16. Iulij 1592.

4 Licentia quaritandi eleemosynas à Regularibus mendicantibus in ipsamet monasteriorum ædificatione, seu erectione data censetur. eadem 6. Octobris 1597.

5 A laici non potest concedi pro quaestu eleemosynarum. eadem 8. Nouembris 1619.

6 Licentia alloquendi Moniales Regularibus subiectas dari debet laicis in scriptis ab Episcopo, & superiore Monialium coniunctim. ead. 15. Ianuarij 1616. *et alias sepius.*

7 Idem fiat in Diocesi à Vicario deputando; sed eo casu superior Regularis priori loco subscribat. eadem 7. Martij 1617.

8 Idem seruetur in licentijs ingrediendi monasteria Monialium, exceptis repentinis casibus, in quibus sufficit alterutius subscriptio. eadem *ibid.*

9 Edicta pro huiusmodi licentijs ab Episcopo tantum subscribantur, & publicentur. eadem *ibid.*

V. festi dies. num. 45. 46. 47.

Limina Apostolorum.

1 **O**Mnes Episcopi tenentur visitare limina Apostolorum, & de statu Ecclesiarum rationem reddere. Sixt. V. Anno 1585.

2 Per se, vel per nuncium, si legitime sint impediti. *ibidem.*

3 Nuncius autem cebet esse certus cum mandato speciali de gremio Capitulum Episcopi, aut indignitate constitutus, seu Personatum habens; & his deficientibus, sit sacerdos Diocesanus; & Clero deficiente, aliquis presbyter, etiam Regularis, spectata probitatis, & religionis. *ibid.*

4 Itali, & alij ex insulis adiacentibus tertio quoque anno: alij remotiores quarto; quinto, vel decimo, pro regionum varietate. *ibid.*

5 Annus incipit à tempore suscepti muneris consecrationis, vel pallij traditionis, vel translationis. *ibid.*

6 Pœna imponitur suspensionis ab ingressu Ecclesiae, & ab administratione spiritualium, & temporalium, & à fructuum perceptione; & est referuata Papae. *ibidem.*

7 Excusatio de non veniendo Romam, debet probari legitime coram primo Diacono Cardinali. *ibidem.*

Si ad curiam profectus Episcopus Papam non visitet, ab eoque non obtenta licentia discedat, incidit in excommunicationem. *Vgol. de pot. Ep. cap. 2. §. 2. num. 5.*

V. subsidium caritativum. num. 6.

Synodus num. 7.

ADDITIO.

1 **E**Piscopi in partibus infidelium residentes, si visitent per procuratorem in curia residentem, satisfaciunt constitutioni Sixti V. *s. Congr. de propag. fide. 28. Iulij 1626.*

2 Coadiutor Episcopi non tenetur visitare, sed coadiutus. *Congreg. conc. 4. Augusti. 1609. apud Barboss. de iure Eccl. l. 3. cap. 10. num. 45.*